

Տպագրված է ընդամենը 5 օրինակ

ՕՐԻՆԱԿ 1


ԳՐԱՆՑՎԱԾ Է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՁԵՌՆԱՐԿՈՒԹՅՈՒՆՆԵՐԻ ՊԵՏԱԿԱՆ
ՌԵԳԻՍՏՐԻ ԿՈՂՄԻՑ 31.07.1995թ.
Գրանցման թիվ 39.120.00360
Վկայական 01Ա 015155

Թիվ 05 փոփոխությունը գրանցված է
իրավաբանական անձանց պետական
ռեգիստրի Չարենցավանի տարածքային
բաժնի կողմից

«04» 11 — 2004թ.

Չարենցավանի տարածքային բաժնի պետ



ՀԱՍՏԱՏՎԱԾ Է

«ԱՍԿԵ ԳՐՈՒՊ» բաց բաժնետիրական
ընկերության բաժնետերերի
«07» հոկտեմբերի 2004թ.
արտահերթ ընդհանուր ժողովի
որոշմամբ (արձ. թիվ 2)

Գլխավոր տնօրեն

S. ՍԱՐԳՍՅԱՆ

Կ.Տ

Կ Ա Ն Ո Ն Ա Դ Ր ՈՒ Թ Յ ՈՒ Ն

«ԱՍԿԵ ԳՐՈՒՊ»

ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

(Նոր խմբագրությամբ)

թ. ՉԱՐԵՆՑԱՎԱՆ, 2004թ.

1. Ընդհանուր դրույթներ

1.1. «ԱՍԿԵ ԳՐՈՒՊ» բաց բաժնետիրական ընկերությունը (այսուհետ՝ Ընկերություն)՝ համարվում է շահույթ ստանալու նպատակով հիմնադրված առևտրային կազմակերպություն հանդիսացող իրավաբանական անձ է, որի կանոնադրական կապիտալը բաժանված է Ընկերության նկատմամբ բաժնետերերի պարտավորական իրավունքը հավաստիացնող որոշակի թվով բաժնետոմսերի, որոնց տերերը (այսուհետ՝ Բաժնետերեր)՝ իրավունք ունեն օտարել իրենց պատկանող բաժնետոմսերն առանց Ընկերության մյուս բաժնետերերի համաձայնության:

Ընկերությունը (նախկինում «ԹՈՒՋԵՉՈՒԼ» ԲԲԸ) հիմնադրվել է 33 կառավարության 1998թ.-ի սեպտեմբերի 4-ի թիվ 550 որոշման համաձայն «ՀԱՅՉՈՒԼ» (Չարենցավանի «Ավտոծուլ») ՓԲԸ-ի (նախկինում «Ավտոծուլ» պետական ձեռնարկության) պետական բաժնետոմսերը մրցույթով մասնավորեցման ճանապարհով բաց բաժնետիրական ընկերության վերակազմակերպման արդյունքում:

Ընկերությունը հանդիսանում է «Հայծուլ» ՓԲԸ-ի իրավահաջորդը:

1.2. Ընկերության իրավունակությունը ծագում է նրա ստեղծման (պետական գրանցման) և դադարում է լուծարման ավարտի (լուծարման մասին պետական գրանցման) պահից:

1.3. Ընկերությունն ունի իր ֆիրմային անվանմամբ կլոր կնիք (հայերեն, ռուսերեն և անգլերեն գրառումներով), դրոշմներ և բլանկներ, ինչպես նաև օրենքով սահմանված կարգով գրանցված խորհրդանիշ, ապրանքային, առևտրային և այլ նշաններ ու ֆիրմային այլ ռեկվիզիտներ:

1.4. Ընկերությունը իր գործունեության ընթացքում ղեկավարվում է 33 քաղաքացիական օրենսգրքով (այսուհետ՝ Օրենսգիրք), «Բաժնետիրական ընկերությունների մասին» 33 օրենքով (այսուհետ՝ Օրենքով) և Հայաստանի Հանրապետության օրենսդրական այլ ակտերով և սույն կանոնադրությամբ:

1.5. Ընկերության բաժնետերերի և Ընկերության միջև հարաբերությունները կարգավորվում են սույն կանոնադրությամբ:

1.6. Ընկերությունն իր պարտավորությունների համար պատասխանատու է իրեն պատկանող ամբողջ գույքով:

Ընկերությունը պատասխանատու չէ իր բաժնետերերի պարտավորությունների համար:

1.7. Ընկերության բաժնետերերը պատասխանատվություն չեն կրում նրա պարտավորությունների համար և իրենց պատկանող բաժնետոմսերի արժեքի սահմաններում կրում են ընկերության գործունեության հետ կապված վնասների ռիսկը:

1.8. Հայաստանի Հանրապետությունը և համայնքները պատասխանատվություն չեն կրում Ընկերության պարտավորությունների համար: Ընկերությունն իր հերթին պատասխանատվություն չի կրում Հայաստանի Հանրապետության և համայնքների պարտավորությունների համար:

1.9. Ընկերության իրավական-կազմակերպչական ձևն է՝ բաց բաժնետիրական ընկերություն:

1.10. Ընկերության ֆիրմային անվանումն է .

Հայերեն լրիվ՝ «ԱՍԿԵ ԳՐՈՒՊ» Բաց բաժնետիրական ընկերություն
կրճատ՝ «ԱՍԿԵ ԳՐՈՒՊ» ԲԲԸ

Ռուսերեն լրիվ՝ «АСКЕ ГРУП» Открытое Акционерное Общество
կրճատ՝ «АСКЕ ГРУП» ОАО

Անգլերեն լրիվ՝ «ASCE GROUP» Open Joint-stock Company
կրճատ՝ «ASCE GROUP» Open J-S Company

1.11. Ընկերության գտնվելու վայրը և իրավաբանական (փոստային) հասցեն է՝
ՀՀ, Կոտայքի մարզ, 378562, ք. Չարենցավան, Երևանյան 2.

2. Ընկերության գործունեության նպատակը և առարկան

2.1. Ընկերության ստեղծման նպատակն է տնտեսական գործունեություն (այդ թվում առևտրային) իրականացնելու ճանապարհով շահույթի ստացումը:

2.2. Ընկերության գործունեության հիմնական տեսակներն են՝

- Թուշե, պողպատե և գունավոր մետաղների ձուլում,
- Սև և գունավոր մետաղների, նրանց առաջնային արտադրանքի արտադրություն,
- Մետաղե ջարդոնի առք ու վաճառք,
- Մեքենաների, մետաղահատ հաստոցների, սարքավորումների և օժանդակ նյութերի մեծածախ առևտուր,
- Չուլման սարքավորումների և հալման ինդուկտիվ վառարանների արտադրություն և մեծածախ առևտուր,
- Կենցաղային ապրանքների և պլաստմասայե իրերի արտադրություն և մեծածախ առևտուր,
- Առևտրամիջնորդային գործունեություն (ոչ բորսայական):

Ընկերությունը կարող է իրականացնել օրենքով չարգելված ցանկացած տնտեսական գործունեություն:

Օրենքով սահմանված գործունեության առանձին տեսակներով ընկերությունը կարող է զբաղվել միայն լիցենզիայի (հատուկ թույլտվության (առկայության դեպքում՝ լիցենզիա ստանալու պահից կամ նրանում նշված ժամկետում: Եթե լիցենզիայի հատկացման պայմաններում նախատեսված է, որ ընկերությունը բացի լիցենզավորվող գործունեությունից, այլ գործունեությամբ զբաղվել չի կարող, կամ սահմանափակումներ են դրվում գործունեության առանձին տեսակներով զբաղվելու վրա, ապա ընկերությունը լիցենզիայի գործողության ժամկետում իրավունք չունի զբաղվել այլ գործունեությամբ, բացառությամբ լիցենզիայով նախատեսվածների կամ այն գործունեություններով, որոնց մասին նշված է լիցենզիայի մեջ:

2.3. Ընկերությունն իրավունք ունի իր անունից ձեռք բերել ու իրականացնել գույքային և անձնական ոչ գույքային իրավունքներ և կրել պարտականություններ, որոնք նրան անհրաժեշտ են օրենքով չարգելված ցանկացած գործունեություն իրականացնելու համար: Գործունեության առանձին տեսակներով, որոնց ցանկը սահմանված է ՀՀ Օրենսդրությամբ (այսուհետ՝ Օրենսդրություն) Ընկերությունը կարող է զբաղվել միայն լիցենզիայի հիման վրա:

3. Ընկերության իրավական վիճակը, իրավունքներն ու պարտականությունները

3.1. Ընկերությունը իրավաբանական անձ է, և ունի իր բաժնետերերի գույքից առանձնացված գույք, որը հաշվառվում է ինքնուրույն հաշվեկշռում և իր պարտավորությունների համար պատասխանատու է այդ գույքով, կարող է իր անունից ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

Ընկերությունն իրավունք ունի՝ Օրենսդրությամբ սահմանված կարգով բացել բանկային հաշիվներ Հայաստանի Հանրապետության և օտարերկրյա պետությունների բանկերում, ինչպես Հայաստանի Հանրապետության դրամով, այնպես էլ արտարժույթով:

3.2. Ընկերությունը իրավունք ունի իր կողմից թողարկվող բաժնետոմսերը տեղաբաշխել ինչպես բաց, այնպես էլ փակ բաժանորդագրության միջոցով և իրականացնել դրանց ազատ վաճառքը Օրենքի և այլ իրավական ակտերին համապատասխան:

3.3. Ընկերությունն իրավունք ունի.

- Ընկերությունը Օրենսդրությամբ չարգելված բոլոր ձևերով ձեռք բերել գույք, այդ թվում՝ արժեթղթեր, տիրապետել, օգտագործել ու տնօրինել դրանք և դրանցից ստացված եկամուտը կամ այլ օգտակար արդյունքները,
- օտարել, վարձակալության տալ, փոխանակել, Օրենսդրությամբ չարգելված այլ ձևերով փոխանցել գույքային իրավունքներ, լիներ գրավառու և գրավատու,
- ինքնուրույն կազմավորել իր ֆինանսական ռեսուրսները, այդ թվում՝ փոխառու միջոցների ներգրավմամբ Զայաստանի Զանրապետության և այլ պետություններում՝ ստանալ բանկային և առևտրային վարկեր, այդ թվում՝ արտարժույթով,
- Օրենսդրությամբ սահմանված կարգով իր անունից թողարկել և տարածել արժեթղթեր,
- Օրենսդրությամբ սահմանված կարգով կնքել պայմանագրեր և կրել պարտավորություններ,
- ինքնուրույն ընտրել իր արտաքին տնտեսական գործունեության վարման կարգը, այն իրականացնել անմիջականորեն, առանց միջնորդի կամ այլ կազմակերպության միջոցով՝ նրա հետ մտնելով պայմանագրային հարաբերությունների մեջ,
- ունենալ միջոցներ արտարժույթով: Օրենսդրությամբ չարգելված բոլոր միջոցներով ձեռք բերել (այդ թվում՝ ստանալ որպես արտաքին տնտեսական գործունեության արդյունք) արտարժույթով միջոցներ և ինքնուրույն տնօրինել, այդ թվում՝ վաճառել պետությանը, իրավաբանական անձանց և (կամ) ձեռնարկություններին, կազմակերպություններին կամ քաղաքացիներին,
- ինքնուրույն պլանավորել իր գործունեությունը, որոշել թողարկվող արտադրանքի, կատարվող աշխատանքների և մատուցվող ծառայությունների ծավալը, գները, իրենց մատակարարներին և արտադրանքը սպառողներին,
- Օրենսդրությամբ սահմանված կարգով արտահանել և ներմուծել գույքի օբյեկտներ, արտադրված, գնված և այլ օրինական ձևով ստացված արտադրանք, ծառայություններ մատուցել և աշխատանքներ կատարել օտարերկրյա իրավաբանական անձանց և (կամ) ձեռնարկությունների, կազմակերպությունների և քաղաքացիների համար, օգտվել նրանց կատարած աշխատանքներից և մատուցած ծառայություններից, այլ պետություններում նրանց օրենսդրությանը համապատասխան իրականացնել ներդրումներ, ստեղծել իրավաբանական անձինք և (կամ) ձեռնարկություններ և անդամակցել իրավաբանական անձանց և (կամ) ձեռնարկություններին,
- ձեռք բերել իր կողմից տեղաբաշխված բաժնետոմսերի մի մասը,
- օգտվել Օրենսդրությամբ, Օրենսգրքով, Օրենքով և սույն կանոնադրությամբ սահմանված այլ իրավունքներից:

3.4. Ընկերությունը պարտավոր է՝

- Օրենսդրությամբ, Օրենքով և այլ իրավական ակտերով սահմանված կարգով վարել հաշվապահական հաշվառում և ներկայացնել ֆինանսական ու վիճակագրական հաշվետվություն,
- ամեն տարի, ի գիտություն բոլորի, հրապարակել իր տարեկան հաշվետվությունը և հաշվապահական հաշվեկշիռը,
- աշխատանքային պայմանագրեր կնքել Ընկերության աշխատակիցների հետ,
- պատասխանատվություն կրել և փոխհատուցել իր կողմից հասցրած վնասը՝ կնքած պայմանագրերը չկատարելու կամ հարկ եղածին պես չկատարելու, կամ այլ անձանց սեփականության իրավունքը խախտելու համար,
- Օրենսդրությամբ սահմանված կարգով հայտարարել Ընկերության սնանկացման մասին այն դեպքում, երբ հնարավոր չէ բավարարել պարտատերերի օրինական գույքային պահանջները,

- ապահովել ընկերության փաստաթղթերի (Ընկերության կանոնադրության, գույքի նկատմամբ գույքային իրավունքները հաստատող փաստաթղթերի, Ընկերության ներքին փաստաթղթերի, առանձնացված ստորաբաժանումների ու հիմնարկների կանոնադրությունների, տարեկան հաշվետվությունների, հաշվապահական հաշվառման փաստաթղթերի, կառավարման մարմինների միատերի արձանագրությունների, Օրենսդրությամբ և այլ իրավական ակտերով նախատեսված այլ փաստաթղթերի) պահպանում, Օրենսդրությամբ սահմանված կարգով,
- Օրենսդրությամբ սահմանված կարգով տեղեկություններ հրապարակել սահմանափակ պատասխանատվությամբ ընկերության կանոնադրական կապիտալի կամ բաժնետիրական ընկերության քվեարկվող բաժնետոմսերի ավելի քան քսան տոկոսը ձեռք բերելու մասին,
- կրել Օրենսդրությամբ և սույն կանոնադրությամբ սահմանված այլ պարտավորություններ:

4. Ընկերության կանոնադրական կապիտալ

4.1. Ընկերության կանոնադրական կապիտալը որոշում է նրա պարտատերերի չափերը երաշխավորող Ընկերության գույքի նվազագույն չափը: Ընկերության կանոնադրական կապիտալի նվազագույն չափը չի կարող պակաս լինել բաց Ընկերության համար Ընկերության պետական գրանցման պահին գործող Օրենքով սահմանված չափից:

Ընկերության կանոնադրական կապիտալը կազմվում է բաժնետերերի ձեռք բերած բաժնետոմսերի անվանական արժեքից:

4.2. Ընկերության կանոնադրական կապիտալը կազմում է 1.179.822.000 (մեկ միլիարդ հարյուր յոթանասունինը միլիոն ութ հարյուր քսաներկու հազար) դրամ, որը կազմում է 7.865.480 հատ սովորական անվանական բաժնետոմսեր, մեկ բաժնետոմսի անվանական արժեքը կազմում է 150 դրամ:

Բոլոր 7.865.480 հատ բաժնետոմսերը տեղաբաշխված են բաժնետերերի միջև և լրիվ վճարված են նրանց կողմից:

Ընկերության հայտարարված բաժնետոմսերի առավելագույն ծավալը կազմում է 996.834.900 (ինը հարյուր ինսունվեց միլիոն ութ հարյուր երեսունչորս հազար ինը հարյուր) դրամ՝ 150 դրամ անվանական արժեքով 6.645.566 (վեց միլիոն վեց հարյուր քառասունհինգ հազար հինգ հարյուր վաթսունվեց) հատ սովորական անվանական բաժնետոմսեր:

4.3. Ընկերության բաժնետերերի ընդհանուր ժողովի կամ սույն կանոնադրությամբ նախատեսված դեպքերում Ընկերության տնօրենների խորհրդի (դիտորդ խորհրդի) (այսուհետ՝ խորհուրդ) որոշմամբ կարող է փոփոխել իր կանոնադրական կապիտալի չափը, որն ուժի մեջ է մտնում սույն կանոնադրության մեջ համապատասխան փոփոխություն կատարելուց և ձեռնարկությունների պետական գրանցումն իրականացնող մարմնի կողմից Օրենսդրությամբ և այլ իրավական ակտերով սահմանված կարգով գրանցելու պահից:

4.3.1. Կանոնադրական կապիտալի չափի ավելացումը.

Ընկերությունն իրավունք ունի բաժնետոմսերի անվանական արժեքը մեծացնելու կամ լրացուցիչ բաժնետոմսեր տեղաբաշխելու միջոցով ավելացնել իր կանոնադրական կապիտալը:

Ընկերությունը կարող է որոշում ընդունել լրացուցիչ բաժնետոմսերի տեղաբաշխման մասին միայն Ընկերության կանոնադրության մեջ հայտարարված բաժնետոմսերի քանակի սահմաններում և միայն նախկինում տեղաբաշխված բաժնետոմսերի լրիվ վճարված լինելու դեպքում:

Լրացուցիչ բաժնետոմսերի տեղաբաշխման մասին որոշմամբ պետք է սահմանվի՝

- լրացուցիչ տեղաբաշխվող հասարակ (սովորական) և յուրաքանչյուր տեսակի արտոնյալ բաժնետոմսերի քանակը՝ այդ բաժնետոմսերի հայտարարված քանակի սահմաններում,

- լրացուցիչ բաժնետոմսերի տեղաբաշխման ժամկետները և պայմանները, այդ թվում՝ Ընկերության բաժնետոմսերի ձեռքբերման նախապատվություն ունեցող բաժնետերերի և այլ արժեթղթերի սեփականատերերի միջև տեղաբաշխվող բաժնետոմսերի արժեքը:

Եթե նախկինում տեղաբաշխված բաժնետոմսերի արժեքի գումարը լրիվ վճարված չէ, ապա Ընկերությունն իր կանոնադրական կապիտալը չի կարող մեծացնել ֆինանսական միջոցների ներգրավման հաշվին:

Ընկերությունն իր գործունեության ֆինանսական արդյունքներն ամփոփելուց հետո կարող է տեղաբաշխված բաժնետոմսերի անվանական արժեքի մեծացման միջոցով ավելացնել կանոնադրական կապիտալը:

- շահույթի մի մասը փոխանցելով կանոնադրական կապիտալ,
- Ընկերության կանոնադրական կապիտալի, պահուստային կապիտալի և արտոնյալ բաժնետոմսերի լուծարային և անվանական արժեքների տարբերության ընդհանուր գումարը գերազանցող գույքը (զուտ ակտիվները) կամ դրա մասը փոխանցելով կանոնադրական կապիտալ,
- Բաժնետոմսերի անվանական արժեքը մեծացնելու միջոցով Ընկերությունը չի կարող ավելացնել կանոնադրական կապիտալն ավելի, քան բաժնետերերի ընդհանուր ժողովի կողմից հաստատված վերջին հաշվեկշռում կամ վերջին աուդիտի արդյունքներով սահմանված զուտ ակտիվների արժեքն է:

Ընկերության կանոնադրական կապիտալի ավելացման մասին որոշումն ընդունվում է Ընկերության բաժնետերերի ընդհանուր ժողովը (այսուհետ՝ ժողով) կամ Խորհուրդը, եթե սույն կանոնադրությամբ կամ բաժնետերերի ընդհանուր ժողովի որոշմամբ նրան տրված է այդ իրավասությունը:

Ընկերությունը չի կարող բաժնետոմսեր թողարկել իր տնտեսական գործունեությամբ առաջացած վնասները ծածկելու համար:

4.3.2. Կանոնադրական կապիտալի չափի նվազեցում

Ընկերության կանոնադրական կապիտալի չափի նվազեցումը կարող է կատարվել.

- բաժնետոմսերի անվանական արժեքի փոքրացմամբ,
- բաժնետոմսերի ընդհանուր քանակի պակասեցմամբ այդ թվում օրենքով նախատեսված դեպքերում դրանց մի մասի ձեռքբերմամբ և մարմամբ:

Ընկերության կանոնադրական կապիտալի նվազեցման նպատակով Ընկերության կողմից բաժնետոմսեր կարող են ձեռք բերվել միայն բաժնետոմսերի սեփականատերերի համաձայնությամբ: Ընդ որում այդ նպատակով Ընկերությանն առաջարկված բաժնետոմսերի ձեռք բերումը ընկերության պարտականությունն է: Եթե ձեռք բերման առաջարկված բաժնետոմսերի քանակը գերազանցում է համապատասխան որոշմամբ սահմանված քանակը, ապա բաժնետերերից բաժնետոմսերը գնվում են նրանց առաջարկներին համամասնորեն:

Ընկերությունն իրավունք չունի նվազեցնել կանոնադրական կապիտալը, եթե դրա հետևանքով նրա չափը ավելի կփոքրանա Օրենքով և այլ իրավական ակտերով սահմանված նվազագույն կանոնադրական կապիտալի չափից:

Կանոնադրական կապիտալի չափի նվազեցման դեպքում մեկ տարուց ոչ պակաս ժամկետում բաժնետոմսերի հավաստագիրը փոխանակելու նպատակով կամ համապատասխան գրառում կատարելու համար չդիմելու դեպքում հավաստագրերը համարվում են անվավեր:

Ընկերության կանոնադրական կապիտալի նվազեցման և Ընկերության կանոնադրության մեջ համապատասխան փոփոխություն կատարելու մասին

որոշումն ընդունվում է ժողովի կողմից՝ ձայնի իրավունք տվող բաժնետոմսերի սեփականատերերի ձայների 3/4-ով, սակայն ոչ պակաս քվեարկող բաժնետոմսերի սեփականատերերի ձայների 2/3-ից:

Ընկերության կանոնադրական կապիտալի նվազեցման հետ կապված այլ խնդիրները կարգավորվում են Օրենսդրությամբ, Օրենքով և սույն կանոնադրությամբ սահմանված կարգով:

4.3.3. Ընկերությունն ունի պահուստային հիմնադրամ:

Ընկերության շահույթից մասնահանումների հաշվին ստեղծվում է պահուստային հիմնադրամ՝ կանոնադրական կապիտալի 15 տոկոսի չափով:

Եթե պահուստային հիմնադրամը կազմում է Ընկերության կանոնադրությամբ սահմանվածից ավելի փոքր մեծություն, հատկացումներն այդ հիմնադրամին կատարվում է շահույթի 5 տոկոսից ոչ պակաս չափով, ինչպես նաև Ընկերության նոր արժեթղթերի թողարկման արժեքի և դրանց անվանական արժեքի միջև եղած տարբերությունից ստացվող միջոցներից:

Պահուստային հիմնադրամն օգտագործվում է Ընկերության կորուստները ծածկելու, ինչպես նաև Ընկերության պարտատոմսերը մարելու և բաժնետոմսերը հետ գնելու համար, եթե Ընկերության շահույթը և այլ միջոցները դրա համար չեն բավարարում:

Պահուստային հիմնադրամը չի կարող օգտագործվել այլ նպատակների համար:

4.3.4. Բաժնետերերի ընդհանուր ժողովի որոշմամբ Ընկերությունը կարող է ստեղծել նաև շահութաբաժինների վճարման, սպառման, կուտակման, սոցիալական զարգացման և այլ հիմնադրամներ:

4.3.5. Ընկերության զուտ ակտիվների արժեքը գնահատվում է հաշվապահական հաշվեկշռի կամ աուդիտորական վերստուգման տվյալներով՝ Օրենքով և այլ իրավական ակտերով սահմանված կարգով:

Եթե երկրորդ և յուրաքանչյուր հաջորդ ֆինանսական տարվա ավարտից հետո պարզվի, որ Ընկերության զուտ ակտիվների արժեքը պակաս է Ընկերության կանոնադրական կապիտալից, ապա Ընկերությունը պարտավոր է հայտարարել և սահմանված կարգով գրանցել իր կանոնադրական կապիտալի նվազումը:

Եթե երկրորդ և յուրաքանչյուր հաջորդ ֆինանսական տարվա ավարտից հետո պարզվի, որ Ընկերության զուտ ակտիվների արժեքը պակաս է Օրենքով սահմանված կանոնադրական կապիտալի նվազագույն չափից, Ընկերությունը պարտավոր է ընդունել որոշում լուծարման մասին:

Եթե սույն կանոնադրությամբ նախատեսված դեպքերում Ընկերության կանոնադրական կապիտալի նվազեցման կամ Ընկերության լուծարման որոշումը չի ընդունվել, ապա Ընկերության բաժնետերերը, պարտատերերը, ինչպես նաև պետության կողմից լիազորված մարմիններն իրավունք ունեն պահանջել Ընկերության լուծարում՝ դատական կարգով:

5. Բաժնետոմսեր և այլ արժեթղթեր

5.1. Ընկերությունը կարող է թողարկել և տեղաբաշխել փաստաթղթային (տպագրական եղանակով պատրաստված), որը կարող է թողարկել Օրենսդրությամբ սահմանված կարգով կամ ոչ փաստաթղթային ձևի անվանական բաժնետոմսեր և պարտատոմսեր: Ընդ որում բաժնետոմսերի թողարկման փաստաթղթային ձևը բաժնետոմսերի հավաստագիրն է:

5.2. Բաժնետիրոջ կողմից բաժնետոմսերի արժեքը վճարելուց և ընկերության պետական գրանցումից հետո ընկերությունը բաժնետերերի բաժնետոմսերը պետք է գրանցի իր բաժնետերերի ռեեստրի (գրանցամատյանի) բաժնետերերի անձնական հաշիվներում, ընդ որում ընկերության կողմից փաստաթղթային ձևով բաժնետոմսեր թողարկելու և տեղաբաշխելու դեպքում բաժնետոմս ձեռք բերած անձին (բաժնետիրոջը) պետք է տրվի բաժնետոմսերի հավաստագիրը:

Բաժնետոմսերի հավաստագիրը անվանական արժեքուղթ է, որը հավաստում է ընկերության մեկ կամ մի քանի բաժնետոմսերի նկատմամբ դրանց տիրապետողի (տիրապետողների) սեփականության իրավունքը:

Բաժնետոմսերի յուրաքանչյուր տեսակի համար բաժնետիրոջը տրվում է առանձին հավաստագիր: Հավաստագիրը տրվում է բաժնետոմսերի արժեքը վճարելուց հետո:

Բաժնետոմսերի հավաստագիրը պետք է պարունակի Օրենքով սահմանված ռեկվիզիտներ:

Բաժնետոմսերի հավաստագիրը պետք է համապատասխանի Հայաստանի Հանրապետության իրավական ակտերով սահմանված արժեթղթերի պաշտպանվածության պահանջներին:

Հավաստագրով ներկայացվող բաժնետոմսերի կամ դրանց մի մասի փոխանցման կամ գրանցված բաժնետիրոջ անվանման (անվան) փոփոխման դեպքում, այդ բաժնետոմսերի հավաստագիրը վերադարձվում է և համարվում է չեղյալ: Նոր տիրապետողի անվանմամբ (անվամբ) տրվում է բաժնետոմսերի նոր հավաստագիր:

Բաժնետոմսերի նոր հավաստագրեր են տրվում նոր և նախկին տիրապետողների անվանումներով՝ հավաստագրով ներկայացվող բաժնետոմսերի մասնակի փոխանցման դեպքում:

Հավաստագրով ներկայացվող բաժնետոմսերի գրանցված բաժնետիրոջ անվանման (անվան) փոփոխման դեպքում բաժնետոմսերի նոր հավաստագիրը տրվում է գրանցված բաժնետիրոջ նոր անվանմամբ (անվամբ):

5.3. Բաժնետոմսն անբաժանելի է: Եթե երկու կամ ավելի անձինք սեփականատեր են մեկ բաժնետոմսի, ապա նրանք համարվում են մեկ բաժնետեր:

5.4. Ընկերությունը սույն կանոնադրությամբ սահմանված կարգով կարող է թողարկել հասարակ (սովորական), ինչպես նաև մեկ կամ մի քանի ձևի արտոնյալ բաժնետոմսեր:

Ընկերության կողմից թողարկված հասարակ (սովորական) բաժնետոմսը ունի միևնույն անվանական արժեքը:

Ընկերությունը կարող է թողարկել և տեղաբաշխել Օրենսդրությամբ, Օրենքով և այլ իրավական ակտերով սահմանված այլ արժեթղթեր:

5.5. Ընկերության բոլոր բաժնետոմսերն անվանական են:

Ընկերության կողմից թողարկված սովորական բաժնետոմսերի անվանական արժեքը պետք է լինի միևնույնը:

Ընկերության որոշակի տեսակի ամեն մի արտոնյալ բաժնետոմս ունի միևնույն անվանական արժեքը:

Ընկերությունը սույն կանոնադրությամբ սահմանված կարգով և ժամկետներում թողարկում է հաստատագրված կամ փոփոխական շահութաբաժնով, կուտակման, փոխարկելի և այլ տեսակի արտոնյալ բաժնետոմսեր՝ Օրենքով սահմանված կարգով:

Ընկերության կողմից տեղաբաշխված արտոնյալ բաժնետոմսերի անվանական արժեքը չպետք է գերազանցի կանոնադրական կապիտալի 25 տոկոսը:

Արտոնյալ բաժնետոմսերի սեփականատերերը չունեն ձայնի իրավունք Ընկերության բաժնետերերի ընդհանուր ժողովի (բացառությամբ՝ Ընկերության լուծարման կամ վերակազմակերպման հարցերի մասին քվեարկությունից, ինչպես նաև օրենքով սահմանված այլ դեպքերում):

Արտոնյալ բաժնետոմսերը կարող են փոխարկվել սովորական բաժնետոմսերի: Ընդ որում փոխարկելու ժամանակ Ընկերությունը պետք է մարի արտոնյալ բաժնետոմսերի սեփականատերերի նկատմամբ բոլոր պարտքերը կամ նրանց համաձայնությամբ պարտավորվի վճարել պարտքերն այլ ձևով:

5.6. Ընկերության լրացուցիչ տեղաբաշխված բաժնետոմսերը պետք է վճարվեն դրանց տեղաբաշխման մասին որոշմամբ սահմանված ժամկետում, բայց ոչ ուշ, քան դրանց տեղաբաշխման պահից մեկ տարվա ընթացքում:

Ընկերության բաժնետոմսերի և այլ արժեթղթերի դիմաց վճարումը կարող է լինել գույքը՝ ներառյալ դրամական միջոցները, արժեթղթերը, գույքային իրավունքները, մտավոր սեփականությունը:

Լրացուցիչ տեղաբաշխվող բաժնետոմսերի ձեռք բերման ժամանակ, որոնց դիմաց վճարումները նախատեսված է միայն դրամական միջոցներով, պետք է վճարվի դրանց անվանական արժեքի առնվազն 25 %-ը:

Ընկերության բաժնետոմսերը և այլ արժեթղթերը, որոնց դիմաց վճարումը նախատեսված է ոչ դրամական միջոցներով, դրանք ձեռքբերման ժամանակ վճարվում են լրիվ արժեքով:

Հրապարակային վաճառքի միջոցով տեղաբաշխվող արժեթղթերի դիմաց վճարումը կատարվում է միայն դրամական միջոցներով՝ լրիվ արժեքով:

Ընկերության հիմնադրման ժամանակ բաժնետոմսերի դիմաց հիմնադիրների կողմից վճարվող գույքի դրամական գնահատականը սահմանվում է հիմնադիրների միջև համաձայնեցմամբ, իսկ բաժնետոմսերի և այլ արժեթղթերի լրացուցիչ տեղաբաշխման դեպքում՝ Ընկերության տնօրենների խորհրդի (դիտորդ խորհրդի) որոշմամբ և ենթակա է գնահատման անկախ գնահատողի կողմից (աուդիտի):

Ընկերության տրամադրության տակ փոխանցված բաժնետոմսերը (չվճարված կամ հետ վերադարձված) չեն տալիս ձայնի իրավունք, հաշվի չեն առնվում ձայների հաշվարկման ժամանակ, այդ բաժնետոմսերով շահութաբաժիններ չեն հաշվարկվում:

Ընկերության բաժնետերերի ընդհանուր ժողովը հաստատում է բաժնետոմսերի տեղաբաշխման արդյունքները և համապատասխան փոփոխություններ է կատարում կանոնադրությունում:

Ընկերության բաժնետոմսերին վերաբերվող այլ հարցերը կարգավորվում են Օրենսդրությամբ, Օրենսգրքով, Օրենքով և սույն կանոնադրությամբ:

5.7. Ընկերության թողարկած բոլոր ապահովված պարտատոմսերի անվանական արժեքների գումարը չպետք է գերազանցի կանոնադրական կապիտալը կամ այն ապահովման գումարը, որը տրամադրված է Ընկերությանը պարտատոմսեր թողարկելու նպատակով: Պարտատոմսերը պետք է ունենան անվանական արժեք:

Պարտատոմսերի տեղաբաշխումն իրականացվում է հորիզոնական ուղղությամբ՝ Օրենքով սահմանված կարգով:

Պարտատոմսերի թողարկման մասին որոշմամբ սահմանվում են դրանց մարման ձևը, ժամկետները և պայմանները:

Ընկերությունն իրավունք ունի թողարկել՝

- Ընկերության գույքի գրավով ապահովված պարտատոմսեր.
- երրորդ անձանց կողմից պարտատոմսերի թողարկման համար տրամադրված երաշխավորությամբ ապահովված պարտատոմսեր.
- առանց ապահովման պարտատոմսեր:

Ընկերությունը կարող է թողարկել ինչպես անվանական, այնպես էլ ըստ ներկայացնողի պարտատոմսեր:

Ընկերությունը պարտավոր է վարել իր կողմից տեղաբաշխված անվանական պարտատոմսերի սեփականատերերի ռեեստր: Կորցրած անվանական պարտատոմսը վերականգնվում է Ընկերության կողմից՝ ողջամիտ վճարի դիմաց: Կորցրած ըստ ներկայացնողի պարտատոմսի սեփականատիրոջ իրավունքները վերականգնում է դատարանը:

Ընկերությունը կարող է թողարկել փոխարկվող պարտատոմսեր և այլ արժեթղթեր, որոնք տալիս են Ընկերության պարտատոմսերը և այլ արժեթղթերը բաժնետոմսերի փոխարկման կամ բաժնետոմսերի արտոնյալ ձեռք բերման իրավունք: Ընդ որում Ընկերությունն իրավունք չունի տեղաբաշխել փոխարկվող պարտատոմսեր և այլ արժեթղթեր, եթե ըստ տեսակների և դասերի հայտարարված բաժնետոմսերի քանակը պակաս է նշված տեսակների և դասերի բաժնետոմսերի քանակից, որոնք անհրաժեշտ են փոխարկվող պարտատոմսերը և այլ արժեթղթերը Ընկերության բաժնետոմսերի փոխարկելու հնարավորությունն ապահովելու համար:

Ընկերության պարտատոմսերին վերաբերվող այլ հարցերը կարգավորվում են Օրենսդրությամբ, Օրենքով և սույն կանոնադրությամբ:

6. Բաժնետերերի իրավունքները և պարտականությունները

6.1. Ընկերության յուրաքանչյուր հասարակ (սովորական) բաժնետոմս տալիս է իր սեփականատեր հանդիսացող բաժնետիրոջը միևնույն իրավունքները:

Հասարակ (սովորական) բաժնետոմսի սեփականատերը Օրենքի և սույն կանոնադրության համաձայն իրավունք ունի՝

- մասնակցել ժողովին՝ վերջինիս իրավասությանը պատկանող բոլոր հարցերի նկատմամբ ձայնի իրավունքով,
- մասնակցել Ընկերության կառավարմանը,
- ստանալ շահութաբաժիններ Ընկերության գործունեությունից առաջացած շահույթից,
- առաջնահերթ կարգով ձեռք բերել Ընկերության կողմից տեղաբաշխվող բաժնետոմսերը,
- ստանալ Ընկերության գործունեության վերաբերյալ ցանկացած տեղեկատվություն՝ գաղտնի փաստաթղթերից բացի, այդ թվում կանոնադրությամբ սահմանված կարգով ծանոթանալ հաշվապահական հաշվեկշիռներին, հաշվետվություններին, Ընկերության արտադրատնտեսական գործունեությանը,
- ժողովներում իր իրավունքները ներկայացնելու համար լիազորել երրորդ անձի,

- հանդես գալ առաջարկություններով ժողովներում,
- ժողովներում քվեարկել իրեն պատկանող լրիվ վճարված բաժնետոմսերի ձայների չափով,
- հայցով դիմել դատարան ժողովի կողմից ընդունված և գործող Օրենսդրությանը և այլ իրավական ակտերին հակասող որոշումների բողոքարկման նպատակով,
- Ընկերության լուծարման դեպքում ստանալ պարտատերերի հետ կատարված հաշվարկներից հետո մնացած Ընկերության գույքի իր հասանելիք մասը կամ դրա արժեքը,
- ֆինանսական տարվա ավարտից հետո 30 օրվա ընթացքում ներկայացնել երկուսից ոչ ավելի առաջարկություններ ժողովի օրակարգի վերաբերյալ, ինչպես նաև առաջարկել խորհրդի և վերստուգող հանձնաժողովի անդամության թեկնածուներ, եթե նա հանդիսանում է ձայնի իրավունք ունեցող բաժնետոմսերի առնվազն 2 տոկոսի սեփականատեր,
- Ընկերության միջոցների հաշվին կանոնադրական կապիտալի մեծացման դեպքում անվճար ստանալ համապատասխան քանակի սովորական բաժնետոմսեր,
- Ընկերության բաժնետերերն ունեն կանոնադրությամբ սահմանված ժամկետի ընթացքում կանոնադրական կապիտալում իրենց բաժնեմասերին համամասնորեն նոր բաժնետոմսերի ձեռքբերման նախապատվության իրավունք, բացառությամբ Օրենքով նախատեսված դեպքերի:
- Բաժնետոմսեր ձեռք բերելու իրավունք սվող ընկերության արժեթղթերի տերերն իրենց իրավունքից օգտվում են բաժնետերերից առաջ՝ Ընկերության կանոնադրությամբ սահմանված ժամկետներում:
- Ընկերության կանոնադրական կապիտալի առնվազն 10% կազմող ձայնի իրավունք տվող բաժնետոմսերին տիրող բաժնետերերը կարող են պահանջել փորձագետ կամ փորձագետների խումբ՝ Ընկերության գործունեությանը վերաբերվող հաշվետվությունները և գաղտնիք ներկայացնող փաստաթղթերը ստուգելու նպատակով: Ստուգման հետ կապված ծախսերը փոխհատուցում են ստուգումը պահանջող բաժնետերերը,
- օտարել կամ այլ ձևով այլ անձանց փոխանցել իր սեփականությունը հանդիսացող բաժնետոմսը,
- օգտվել սույն կանոնադրությամբ նախատեսված այլ իրավունքներից:

Հասարակ (սովորական) բաժնետոմսերի դիմաց շահաբաժինների վճարումները Ընկերության կողմից չեն երաշխավորվում:

6.2. Արտոնյալ բաժնետոմսերի սեփականատեր բաժնետերերը իրավունք ունեն.

- մասնակցել ընկերության կառավարմանը,
- ստանալ Ընկերության գործունեության վերաբերյալ ցանկացած տեղեկատվություն՝ գաղտնի փաստաթղթերից բացի, այդ թվում՝ կանոնադրությամբ սահմանված կարգով ծանոթանալ հաշվապահական հաշվեկշիռին, հաշվետվություններին, Ընկերության արտադրատնտեսական գործունեությանը,
- ժողովներում իր իրավունքները ներկայացնելու համար լիազորել երրորդ անձի,
- հայցով դիմել դատարան ժողովի կողմից ընդունված և գործող Օրենսդրությանը և այլ իրավական ակտերին հակասող որոշումների բողոքարկման նպատակով,
- Ընկերության լուծարման դեպքում ստանալ Ընկերության գույքի իր հասանելիք մասը,
- մասնակցել ժողովին՝ վերջինիս իրավասությանը պատկանող հարցերի նկատմամբ ձայնի իրավունքով,
- հանդես գալ առաջարկություններով ժողովում,
- ստանալ շահաբաժիններ Ընկերության գործունեությունից առաջացած շահույթից,
- առաջնահերթ կարգով ձեռք բերել Ընկերության կողմից տեղաբաշխվող բաժնետոմսերը:

Վերջին 3 ենթակետերով սահմանված իրենց իրավունքներից արտոնյալ բաժնետոմսերի սեփականատերերը օգտվում են 5.5. և 7.2. կետերում սահմանված վերապահումներով:

6.3. Ընկերության բաժնետիրոջ բաժնետոմսերը անցնում են նրա ժառանգներին կամ իրավահաջորդներին:

6.4. Հասարակ (սովորական) բաժնետոմսերի սեփականատերերին չի կարող տրամադրվել նրանց պատկանող սովորական բաժնետոմսերի անվանական արժեքից և քանակից չբխող լրացուցիչ ձայնի իրավունք:

6.5. Բաժնետերերը պարտավոր են՝

- չիրապարակել Ընկերության գործունեության վերաբերյալ գաղտնիք ներկայացնող տեղեկություններ:

7. Ընկերության շահութաբաժինների վճարման կարգը

7.1. Ընկերությունն իրավունք ունի որոշում ընդունել տեղաբաշխված բաժնետոմսերի դիմաց եռամսյակային, կիսամյակային կամ տարեկան շահութաբաժինների վճարման մասին:

Շահութաբաժինները վճարվում են Ընկերության գուտ շահույթից (կուտակված շահույթից): Որոշակի դասի արտոնյալ բաժնետոմսերի դիմաց շահութաբաժինները կարող են վճարվել հատուկ այդ նպատակով ստեղծված Ընկերության հիմնադրամների հաշվից:

Ըստ բաժնետոմսերի տեսակների և դասերի միջանկյալ (եռամսյակային և կիսամյակային) շահութաբաժինների վճարման, շահութաբաժնի չափի և դրա վճարման ձևի մասին որոշումն ընդունվում է հորիզոնի կողմից: Ըստ բաժնետոմսերի տեսակների և դասերի տարեկան շահութաբաժինների վճարման, շահութաբաժնի չափի և դրա վճարման ձևի մասին որոշումն ընդունվում է Ժողովի կողմից՝ հորիզոնի առաջարկությամբ: Միջանկյալ շահութաբաժինների չափը չի կարող գերազանցել նախորդ ֆինանսական տարվա արդյունքներով բաշխված շահութաբաժնի 50%-ը: Տարեկան շահութաբաժինների չափը չի կարող ավել լինել հորիզոնի առաջարկածից և չի կարող պակաս լինել արդեն վճարված միջանկյալ շահութաբաժինների չափից:

Եթե Ժողովի որոշմամբ տարեկան շահութաբաժինների չափը ըստ բաժնետոմսերի առանձին տեսակների և դասերի սահմանվում է արդեն վճարված միջանկյալ շահութաբաժինների չափին հավասար, ապա այդ տեսակների և դասերի բաժնետոմսերի դիմաց տարեկան շահութաբաժիններ չեն վճարվում:

Եթե Ընկերության Ժողովի որոշմամբ տարեկան շահութաբաժինների չափն ըստ բաժնետոմսերի առանձին տեսակների և դասերի սահմանվում է արդեն վճարված միջանկյալ շահութաբաժինների չափից ավելի, ապա այդ տեսակների և դասերի բաժնետոմսերի դիմաց տարեկան շահութաբաժինները վճարվում են սահմանված տարեկան շահութաբաժնի և տվյալ տարում արդեն վճարված միջանկյալ շահութաբաժինների գումարի տարբերությամբ:

Ժողովը իրավունք ունի որոշում ընդունել առանձին տեսակների և դասերի բաժնետոմսերի դիմաց շահութաբաժիններ չվճարելու կամ ոչ լրիվ չափով վճարելու մասին:

Տարեկան շահութաբաժինների վճարման ժամկետը սահմանվում է Ժողովի շահութաբաժիններ վճարելու մասին որոշմամբ: Միջանկյալ շահութաբաժինների վճարման ժամկետը սահմանվում է հորիզոնի միջանկյալ շահութաբաժիններ

վճարելու մասին որոշմամբ, բայց ոչ շուտ, քան տվյալ որոշման ընդունման պահից 30 օր անց:

Հահութաբաժինների յուրաքանչյուր վճարման համար հորհուրդը կազմում է շահութաբաժիններ ստանալու իրավունք ունեցող բաժնետերերի ցուցակը, որում պետք է ընդգրկվեն՝

- միջանկյալ շահութաբաժիններ վճարելու դեպքում՝ Ընկերության այն բաժնետերերը, որոնք ընդգրկվել են Ընկերության բաժնետերերի ռեեստրում հորհրդի միջանկյալ շահութաբաժինների վճարելու մասին որոշման կայացման օրվանից առնվազն 10 օր առաջ.
- տարեկան շահութաբաժիններ վճարելու դեպքում՝ Ընկերության այն բաժնետերերը, որոնք ընդգրկվել են Ընկերության բաժնետերերի ռեեստրում ժողովին մասնակցելու իրավունք ունեցող բաժնետերերի ցուցակը կազմելու օրվա դրությամբ:

7.2. Արտոնյալ բաժնետոմսերի սեփականատեր բաժնետերերին շահութաբաժինների վճարման առանձնահատկությունները՝

7.2.1. Յուրաքանչյուր դասի արտոնյալ բաժնետոմսի դիմաց վճարվող շահութաբաժինը և լուծարային արժեքը (որը վճարվում է ընկերության լուծարման ժամանակ) սահմանվում են ընդհանուր ժողովի կողմից դրամական գումարի տեսքով կամ որպես տոկոսադրույք արտոնյալ բաժնետոմսի անվանական արժեքի նկատմամբ:

7.2.2. Եթե ժողովի որոշմամբ թողարկվում և տեղաբաշխվում են երկու կամ ավելի դասերի արտոնյալ բաժնետոմսեր, ապա պետք է սահմանվի նաև շահութաբաժինների և լուծարային արժեքի վճարման հերթականությունը յուրաքանչյուր արտոնյալ բաժնետոմսի համար:

7.2.3. Երեք հաջորդական տարիների ընթացքում արտոնյալ բաժնետոմսերին հասանելիք շահութաբաժնի չվճարելը կարող է հիմք հանդիսանալ Ընկերությունը դատական կարգով լուծարելու համար:

7.3. Ընկերությունն իրավունք չունի որոշում ընդունել տեղաբաշխված բաժնետոմսերով շահութաբաժինների վճարման մասին, եթե՝

- լրիվ չի վճարվել Ընկերության կանոնադրական կապիտալը,
- Ընկերության կողմից հետ չեն գնվել բոլոր այն բաժնետոմսերը, որոնք պետք է հետ գնվեն Օրենսդրությամբ համապատասխան:
- շահութաբաժիններ վճարելու որոշումն ընդունելու պահի դրությամբ Ընկերության տնտեսական վիճակը համապատասխանում է Օրենսդրությամբ սահմանված անվճարունակության (սնանակացման) հայտանիշներին, կամ դրանք ի հայտ կգան շահութաբաժինների վճարման հետևանքով.
- Ընկերության գուտ ակտիվների արժեքը պակաս է Ընկերության կանոնադրական կապիտալից կամ կպակասի շահութաբաժինների վճարման հետևանքով:

Ընկերությունն իրավունք չունի որոշում ընդունել (հայտարարել) շահութաբաժինների վճարման մասին տեղաբաշխված (հասարակ) սովորական բաժնետոմսերի և այն արտոնյալ բաժնետոմսերի դիմաց, որոնց համար սահմանված չէ շահութաբաժնի չափը, եթե որոշում չի ընդունված շահութաբաժիններ վճարել արտոնյալ բաժնետոմսերի բոլոր այն դասերի դիմաց, որոնց համար վճարվող շահութաբաժնի չափը սահմանված է կանոնադրությամբ:

Ընկերությունն իրավունք չունի որոշում ընդունել (հայտարարել) շահութաբաժինների վճարման մասին տեղաբաշխված այն արտոնյալ բաժնետոմսերի դիմաց, որոնց համար շահութաբաժնի չափը սահմանված է, եթե

որոշում չի ընդունված շահութաբաժիններ վճարել արտոնյալ բաժնետոմսերի բոլոր այն դասերի դիմաց, որոնք վերոհիշյալ արտոնյալ բաժնետոմսերի նկատմամբ շահութաբաժիններ ստանալու առաջնահերթության իրավունք են տալիս:

8. Ընկերության կառավարման մարմինները

8.1. Ժողովը Ընկերության կառավարման բարձրագույն մարմինն է: Ընկերությունը պարտավոր է ամեն տարի գումարել տարեկան ժողով:

Առաջին տարեկան ժողովը գումարվում է առաջին ֆինանսական տարվա ավարտից հետո:

Ընկերության տարեկան ժողովը գումարվում է Ընկերության հերթական ֆինանսական տարվա ավարտից հետո վեց ամսվա ընթացքում:

Տարեկան ժողովից բացի գումարվող ժողովները համարվում են արտահերթ: Արտահերթ ժողովները գումարվում են անհետաձգելի հարցերի քննարկման համար:

Արտահերթ ժողովները գումարվում են Խորհրդի որոշմամբ՝ սեփական նախաձեռնությամբ, ընկերության գործադիր մարմնի, վերաստուգող հանձնաժողովի (վերստուգողի), Ընկերության աուդիտն իրականացնող անձի կամ պահանջը ներկայացնելու դրությամբ Ընկերության առնվազն 10 տոկոս քվեարկող բաժնետոմսերի սեփականատեր բաժնետիրոջ(բաժնետերերի) պահանջով:

8.2. Ժողովի իրավասությանն են պատկանում՝

- ա) Ընկերության կանոնադրության հաստատումը, դրա մեջ փոփոխությունների և լրացումների կատարումը, Ընկերության կանոնադրության հաստատումը նոր խմբագրությամբ.
- բ) Ընկերության վերակազմակերպումը.
- գ) Ընկերության լուծարումը.
- դ) Ընկերության ամփոփ, միջանկյալ և լուծարման հաշվեկշիռների հաստատումը, լուծարային հանձնաժողովի նշանակումը.
- ե) Խորհրդի քանակական կազմի հաստատումը, դրա անդամների ընտրությունը և անդամների լիազորության վաղաժամկետ դադարեցումը:
- զ) Խորհրդի նախագահի կամ անդամի աշխատանքի վարձատրության պայմանների որոշումը.
- է) Հայտարարված բաժնետոմսերի ծավալի առավելագույն չափի սահմանումը.
- ը) Բաժնետոմսերի անվանական արժեքի փոքրացման, բաժնետոմսերի ընդհանուր քանակի կրճատման նպատակով Ընկերության կողմից տեղաբաշխված բաժնետոմսերի ձեռքբերման, ինչպես նաև Ընկերության կողմից ձեռք բերված կամ հետ գնված բաժնետոմսերի մարման ճանապարհով կանոնադրական կապիտալի չափի նվազեցումը.
- թ) Հաստատել աշխատակցի բաժնետոմսերի տեղաբաշխումը, դրանց բաժնետոմսերի համար վճարելու պայմանները և սեփականատերերի իրավունքները.
- ժ) Ընկերության վերստուգող հանձնաժողովի անդամների (վերստուգողի) ընտրությունը և նրանց (նրա) լիազորությունների վաղաժամկետ դադարեցումը.

- ժա) Ընկերության աուդիտն իրականացնող անձի հաստատումը.
- ժբ) Ընկերության տարեկան հաշվետվությունների, հաշվապահական հաշվեկշիռների, շահույթների և վնասների հաշվի, շահույթների և վնասների բաշխման հաստատումը, տարեկան շահութաբաժինների վճարման մասին որոշման ընդունումը և տարեկան շահութաբաժինների չափի հաստատումը,
- ժգ) Ընկերության բաժնետոմսերի ձեռք բերման մախապատվության իրավունքը չկիրառելու մասին որոշման ընդունումը Օրենքով և սույն կանոնադրությամբ սահմանված կարգով.
- ժդ) Ժողովի վարման կարգը և Խորհրդի կանոնակարգը
- ժե) Հաշվիչ հանձնաժողովի ձևավորումը
- ժզ) Ընկերության կողմից բաժնետերերին տեղեկությունների և նյութերի հաղորդման ձևի որոշումը, ներառյալ զանգվածային լրատվության համապատասխան միջոցի ընտրությունը, եթե հաղորդումը պետք է իրականացվի նաև հրապարակային հայտարարության ձևով.
- ժէ) Բաժնետոմսերի համախմբումը (կոնսոլիդացիան), բաժանումը.
- ժը) Շահագրգռվածություն ներառող գործարքների կնքումը Օրենքով մախատեսված դեպքերում.
- ժթ) Ընկերության գույքի ձեռքբերման և օտարման հետ կապված խոշոր գործարքների կնքումը Օրենքով մախատեսված դեպքերում.

Ժողովն իրավունք ունի քննարկել և որոշում ընդունել նաև Օրենքով ու սույն կանոնադրությամբ ժողովի իրավասությանը պատկանող ցանկացած հարցի շուրջը:

8.3. Սույն կանոնադրությամբ 8.2. կետի բոլոր ենթակետերով սահմանված կարգով որոշումների ընդունումը հանդիսանում է ժողովի բացառիկ իրավասությունը և չի կարող փոխանցվել Ընկերության գործադիր մարմնին:

Սույն կանոնադրությամբ 8.2. կետի բոլոր ենթակետերով սահմանված կարգով որոշումների ընդունումը հանդիսանում է ժողովի բացառիկ իրավասությունը և չեն կարող փոխանցվել որոշումն ընդունելու համար Խորհրդին:

8.4. Ժողովում ձայնի իրավունքներից օգտվում են՝

- ա) Ընկերության հասարակ (սովորական) բաժնետոմսերի սեփականատեր հանդիսացող բաժնետերերը:
- բ) Ընկերության արտոնյալ բաժնետոմսերի սեփականատեր հանդիսացող բաժնետերերը Օրենքով և սույն կանոնադրությամբ սահմանված դեպքերում:

8.5. Ժողովն իրավունք չունի քննարկել և որոշումներ ընդունել այն հարցերի շուրջ, որոնք Օրենքով չեն սահմանվել որպես ժողովի իրավասություն:

8.6. Ժողովի որոշումներն ընդունվում են ժողովին մասնակցող ձայնի իրավունք տվող բաժնետոմսերի սեփականատերերի ձայների պարզ մեծամասնությամբ, բացի 8.7. կետում սահմանված դեպքերից:

8.7. Սույն կանոնադրության 8.2 կետի «ա», «բ», «գ», «դ», «է», «ը» և «ժթ» ենթակետերով սահմանված հարցերի մասին որոշումներն ընդունվում են ժողովի կողմից ժողովին մասնակցող ձայնի իրավունք տվող բաժնետոմսերի սեփականատերերի ձայների երեք քառորդով, սակայն 8.2 կետի «գ» և «ը»

ենթակետերով սահմանված հարցերի շուրջ նաև ոչ պակաս քվեարկող բաժնետոմսերի սեփականատերերի ձայների երկու երրորդից:

8.8. Սույն կանոնադրության 8.2 կետի «բ», «ժգ», «ժզ», «ժէ» «ժը» և «ժթ» ենթակետերով քվարկված հարցերով որոշումներն ընդունվում են բաժնետերերի ընդհանուր ժողովը՝ միայն հորհրդի ներկայացմամբ:

8.9. Ժողովն իրավասու է (քվորում ունի), եթե ընդհանուր ժողովի մասնակիցների գրանցման ավարտի պահին ժողովում մասնակցելու համար գրանցվել են Ընկերության բաժնետերերը (նրանց ներկայացուցիչները), որոնք համատեղ տիրապետում են Ընկերության տեղաբաշխված քվեարկող բաժնետոմսերի 50-ից ավելի տոկոսին:

Քվորումի բացակայության դեպքում հայտարարվում է Ընկերության նոր ժողովի գումարման տարին, ամիսը, ամսաթիվը: Նոր ժողովի գումարման դեպքում օրակարգի փոփոխություն չի թույլատրվում:

Ընկերության բաժնետերերի չկայացած ժողովի փոխարեն գումարվող նոր ժողովը իրավասու է, եթե մասնակիցների գրանցման ավարտի պահին գրանցվել են Ընկերության բաժնետերերը (նրանց ներկայացուցիչները), որոնք համատեղ տիրապետում են Ընկերության տեղաբաշխված քվեարկող բաժնետոմսերի 30-ից ավելի տոկոսին:

8.10. Բաժնետերն իրավունք ունի դատական կարգով բողոքարկել Օրենքի, այլ իրավական ակտերի և Ընկերության կանոնադրության պահանջների խախտմամբ ժողովի կողմից ընդունած որոշումը: Դատարանն իրավունք ունի ուժի մեջ թողնել ժողովի որոշումը, եթե այդ բաժնետիրոջ քվեարկության մասնակցելը չէր կարող ազդել քվեարկության արդյունքների վրա, թույլ տված խախտումները էական չեն:

8.11. Ժողովի վարման կարգի և հորհրդի կանոնակարգի մասին որոշումներ ընդունելու կարգը սահմանվում է ժողովի կողմից հաստատված Ընկերության ներքին փաստաթղթերով:

8.12. Ժողովի որոշումները (բացի տարեկան ընդհանուր ժողովի, ինչպես նաև 8.2 կետի «ժթ» ենթակետով նախատեսված հարցերով իրավիքված արտահերթ ժողովը) կարող են ընդունվել առանց ժողովի գումարման՝ հեռակա կարգով քվեարկության (օնլայն) միջոցով:

Հեռակա կարգով քվեարկությամբ ընդունված ժողովի որոշումն օրինական ուժ ունի, եթե քվեարկությամբ մասնակցել են Ընկերության քվեարկող բաժնետոմսերի սեփականատերերի կեսից ավելին:

Հեռակա կարգով քվեարկության ժամանակ քվեաթերթիկները պետք է տրամադրվեն բաժնետերերին լրացրած քվեաթերթիկները Ընկերության կողմից ընդունվել ավարտելու պահից 30 օր առաջ:

8.13. Ժողովն իրավունք չունի փոփոխել ընդհանուր ժողովի օրակարգը, ինչպես նաև որոշումներ ընդունել օրակարգում չընդգրկված հարցերի վերաբերյալ:

8.14. Արտահերթ ժողովը գումարվում են հորհրդի որոշմամբ՝ սեփական նախաձեռնությամբ, վերաստուգող հանձնաժողովի (վերստուգողի), Ընկերության աուդիտն իրականացնող անձի կամ պահանջը ներկայացնելու դրությամբ Ընկերության առնվազն 10 տոկոս ձայնի իրավունք տվող բաժնետոմսերի սեփականատեր հանդիսացող բաժնետիրոջ (բաժնետերերի) պահանջով:

Արտահերթ ժողովի գումարման վերաբերյալ խորհրդի որոշմամբ սահմանվում է արտահերթ ժողովի գումարման ձևը՝ բաժնետերերի համատեղ ներկայությամբ կամ հեռակա կարգով քվեարկության միջոցով:

8.15. Եթե Օրենքով և սույն կանոնադրությամբ նախատեսված ժամկետներում տարեկան ժողով տեղի չի ունեցել, Ընկերության արտահերթ ժողով կարող է հրավիրվել միայն Ընկերության լուծարման կամ 8.2 կետի «ժբ» ենթակետում նշված հարցերը քննարկելու համար: Նշված հարցերով հրավիրված արտահերթ ժողովում այլ հարցեր չեն կարող քննարկվել, բացառությամբ 8.2 կետի «ժբ» ենթակետում նշված հարցերով կայացված որոշումներով պայմանավորված կանոնադրական կապիտալի նվազեցման դեպքերի:

8.16. Հաշվիչ հանձնաժողովի կազմը չի կարող 3 հոգուց պակաս լինել: Հաշվիչ հանձնաժողովի անդամներ չեն կարող լինել խորհրդի անդամները, Ընկերության վերստուգող հանձնաժողովի անդամները (վերստուգողը), Ընկերության տնօրենը կամ Ընկերության տնօրինության, վարչության անդամները, ինչպես նաև այն անձինք որոնք առաջադրված են այդ պաշտոնների թեկնածուներ:

Օրենքով և սույն կանոնադրությամբ սահմանված կարգով հաշվիչ հանձնաժողովի քանակական կազմը և անդամները, ինչպես նաև նրանց լիազորությունների ժամկետը սահմանվում են Ընկերության բաժնետերերի ընդհանուր ժողովի որոշմամբ՝ խորհրդի ներկայացմամբ:

8.17. Ժողովին մասնակցելու իրավունք ունեն՝

- Ընկերության սովորական բաժնետոմսերի սեփականատեր հանդիսացող բաժնետերերը (անվանատերերը), իրենց պատկանող բաժնետոմսերի քանակին և անվանական արժեքին համապատասխան ձայների քանակով.
- Ընկերության արտոնյալ բաժնետոմսերի սեփականատեր հանդիսացող բաժնետերերը (անվանատերերը), իրենց պատկանող արտոնյալ բաժնետոմսերի քանակին և անվանական արժեքին համապատասխան ձայների քանակով.
- Ընկերության վերստուգող հանձնաժողովի անդամները (վերստուգողը).
- Ընկերության աուդիտը իրականացնող անձը (եթե նրա եզրակացությունն առկա է գումարվող ժողովի նյութերում).

Ժողովին խորհրդակցական ձայնի իրավունքով կարող են մասնակցել նաև Ընկերության բաժնետեր չհանդիսացող խորհրդի և գործադիր մարմնի անդամները:

Ժողովին մասնակցելու իրավունք ունեցող բաժնետերերի ցուցակը կազմվում է խորհրդի կողմից սահմանված տարվա, ամսվա, ամսաթվի դրությամբ՝ Ընկերության բաժնետերերի ռեեստրի տվյալների հիման վրա:

Ժողովին մասնակցելու իրավունք ունեցող բաժնետերերի ցուցակը կազմելու տարին, ամիսը, ամսաթիվը չի կարող սահմանվել ավելի վաղ, քան ժողով գումարելու մասին որոշման ընդունումը և ավելի ուշ, քան ժողովի գումարումից 60 օրից ավելի:

Ժողովին մասնակցելու իրավունք ունեցող բաժնետերերի ցուցակը պետք է տրամադրվի ծանոթացման նպատակով Ընկերության այն բաժնետերերին, որոնք գրանցված են Ընկերության բաժնետերերի ռեեստրում և տիրապետում են Ընկերության քվեարկող բաժնետոմսերի առնվազն 10%-ին:

Ժողովին մասնակցելու իրավունք ունեցող բաժնետերերը ծանուցվում են «Հայաստանի Հանրապետություն» օրաթերթում հրապարակելու միջոցով:

Ընկերությունը պարտավոր է ժողովի գումարման մասին իր բաժնետերերին ծանուցել, ժողովի գումարման օրվանից՝ առնվազն 15 օր առաջ:

ժողովում քվեարկությունը կատարվում է քվեաթերթիկների միջոցով, եթե Օրենքով այլ բան չի նախատեսված:

Ժողովին մասնակցելու իրավունք ունեցող բաժնետերերին քվեաթերթիկները տրվում են ժողովին մասնակցելու համար գրանցված բաժնետիրոջը, ժողովի քվորումի առկայության դեպքում, եթե Օրենքով այլ բան չի նախատեսված:

Քվեաթերթիկները բաժնետերերին են հանձնվում անձամբ, եթե Օրենքով այլ բան չի նախատեսված:

Քվեաթերթիկների ձևը և բովանդակությունը հաստատվում է Խորհրդի որոշմամբ:

8.18. Բաժնետերերի մասնակցության կարգը ժողովին՝

- Բաժնետերը ժողովում մասնակցելու իր իրավունքը կարող է իրականացնել անձամբ կամ լիազորված ներկայացուցչի միջոցով:
- Ժողովում բաժնետիրոջ ներկայացուցիչը գործում է Օրենսգրքի, Օրենքի կամ պետական և տեղական ինքնակառավարման մարմնի իրավական ակտերի, ինչպես նաև գրավոր ձևով կազմված լիազորագրի հիման վրա: Բաժնետիրոջ ներկայացուցիչը կարող է մասնակցել ժողովին միայն լիազորագրի առկայության դեպքում:
- Նույն բաժնետիրոջ կողմից տրված երկու և ավելի լիազորագրերի առկայության դեպքում ուժի մեջ է համարվում վերջին լիազորագիրը: Բաժնետերն իրավունք ունի ցանկացած ժամանակ փոխել իր լիազոր ներկայացուցչին կամ անձամբ մասնակցել ժողովին:

8.19. Քվեարկությունն ընկերության բաժնետերերի ընդհանուր ժողովում իրականացվում է «Ընկերության մեկ քվեարկող բաժնետոմս՝ մեկ ձայն» սկզբունքով:

8.20. Ընկերության գործունեության ընդհանուր ղեկավարումը իրականացնում է Խորհուրդը:

Խորհրդի անդամները ընտրվում են տարեկան ընդհանուր ժողովի կամ անդամների լիազորությունը վաղաժամկետ դադարեցնելու դեպքում՝ արտահերթ ընդհանուր ժողովի կողմից: Խորհրդի անդամների ընտրության հարցն արտահերթ ընդհանուր ժողովներում կարող է քննարկվել, եթե արտահերթ ընդհանուր ժողովը որոշում է ընդունել Խորհրդի կամ նրա առանձին անդամների լիազորությունների վաղաժամկետ դադարեցման մասին:

Խորհրդի քանակական կազմը սահմանվում է ժողովի որոշմամբ, բայց չի կարող 3 անդամից պակաս լինել:

Խորհրդի անդամների լիազորությունները դադարում են Խորհրդի հաջորդ կազմի ընտրվելուց հետո:

Խորհրդի ընտրությունները իրականացվում են հասարակ քվեարկությամբ:

Ընկերության այն բաժնետերերը, որոնք ժողովին մասնակցելու իրավունք ունեցող բաժնետերերի ցուցակը կազմելու օրվա դրությամբ տիրապետում են Ընկերության տեղաբաշխված քվեարկող բաժնետոմսերի 10 և ավելի տոկոսին, իրավունք ունեն առանց ընտրության ընդգրկվել Խորհրդի կազմում կամ դրանում նշանակել իրենց ներկայացուցչին: Այդ իրավունքը վերապահվում է նաև անվանատերերին:

Խորհրդի անդամ կարող է լինել Ընկերության բաժնետեր չհանդիսացող անձը:

Յուրաքանչյուր բաժնետեր Խորհրդում կարող է զբաղեցնել միայն մեկ տեղ:

Խորհրդի բացառիկ իրավասությանն են պատկանում հետևյալ հարցերը՝

ա) Ընկերության գործունեության հիմնական ուղղությունների որոշումը:

- բ) Տարեկան և արտահերթ ընդհանուր ժողովների գումարումը, բացառությամբ Օրենքով և սույն կանոնադրությամբ նախատեսված դեպքերի:
- գ) Ժողովի օրակարգի հաստատումը:
- դ) Ժողովներին մասնակցելու իրավունք ունեցող բաժնետերերի ցուցակը կազմելու տարվա, ամսվա, ամսաթվի հաստատումը, ինչպես նաև բոլոր այն հարցերի լուծումը որոնք կապված են ժողովների նախապատրաստման ու գումարման հետ և վերապահված են խորհրդի իրավասությանը սույն կանոնադրության դրույթներին համապատասխան:
- ե) Սույն կանոնադրության 8.2 կետի «բ», «ժգ», «ժզ» և «ժէ» ենթակետերով նախատեսված հարցերի ներկայացումը ժողովների քննարկմանը:
- զ) Բաժնետոմսերի անվանական արժեքի մեծացման կամ լրացուցիչ բաժնետոմսերի տեղաբաշխման միջոցով Ընկերության կանոնադրական կապիտալի ավելացումը:
- է) Պարտատոմսերի և այլ արժեթղթերի տեղաբաշխումը:
- ը) Գույքի շուկայական արժեքի որոշումը, Օրենքով սահմանված կարգով:
- թ) Ընկերության տեղաբաշխված բաժնետոմսերի, պարտատոմսերի և այլ արժեթղթերի ձեռքբերում և հետգնումը՝ Օրենքով նախատեսված դեպքերում:
- ժ) Ընկերության գործադիր մարմնի ձևավորումը, դրա լիազորությունների վաղաժամկետ դադարեցումը, տնօրեն (գլխավոր տնօրենի), վարչության, տնօրինության անդամների վարձատրության և ծախսերի փոխհատուցումների վճարման կարգն ու պայմանները:
- ժա) Ընկերության վերստուգող հանձնաժողովի (վերստուգողի) վարձատրության և ծախսերի փոխհատուցումների վճարման կարգի և պայմանների վերաբերյալ ժողովի համար առաջարկությունների նախապատրաստումը:
- ժբ) Ընկերության աուդիտն իրականացնող անձի վճարման չափի սահմանումը:
- ժգ) Ընկերության բաժնետոմսերի դիմաց վճարվող տարեկան շահութաբաժինների չափի և վճարման կարգի վերաբերյալ ժողովի համար առաջարկությունների նախապատրաստումը:
- ժդ) Ընկերության բաժնետոմսերով միջանկյալ (եռամսյակային կամ կիսամյակային) շահութաբաժինների չափի և վճարման կարգի սահմանումը:
- ժե) Ընկերության պահուստային և այլ հիմնադրամների օգտագործումը:
- ժզ) Ընկերության կառավարման մարմինների գործունեությունը կանոնակարգող ներքին փաստաթղթերի հաստատումը:
- ժէ) Ընկերության կողմից դուստր կամ կախյալ ընկերությունների ստեղծումը: Ընկերության դուստր և կախյալ ընկերություններում մասնակցությունը, եթե այդ մասնակցությունը իրենից խոշոր գործարք չի ներկայացնում:
- ժը) Ընկերության մասնաճյուղերի, ներկայացուցչությունների և հիմնարկների ստեղծումը:
- ժթ) Այլ կազմակերպություններին մասնակցության մասին որոշման ընդունումը, եթե այդ մասնակցությունը իրենից խոշոր գործարք չի ներկայացնում:

- ի) Ընկերության գույքի օտարման և ձեռքբերման հետ կապված խոշոր գործարքների կնքումը սույն կանոնադրությամբ նախատեսված դեպքերում.
- իա) շահագրգռվածություն ներառող գործարքների կնքումը, Օրենքով նախատեսված դեպքերում.
- իբ) Ընկերության վարչակազմակերպական կառուցվածքի հաստատումը.
- իգ) Ամենամյա ծախսերի նախահաշվի և դրա կատարողականի հաստատումը.
- իդ) Ընկերության հաստիքացուցակի հաստատումը.
- իե) Հոլդինգային ընկերությունների, առևտրային կազմակերպությունների այլ միությունների հիմնադրումը և մասնակցությունը.
- իզ) Օրենքով և Ընկերության կանոնադրությամբ այլ հարցերի լուծումը:

8.21. Խորհրդի բացառիկ իրավասության ենթակա հարցերը չեն կարող փոխանցվել Ընկերության գործադիր մարմնի լուծմանը:

8.22. Խորհրդի նախագահը՝

1. Կազմակերպում է Խորհրդի աշխատանքները.
2. Գումարում է Խորհրդի նիստերը և նախագահում է դրանք.
3. Կազմակերպում է նիստերի արձանագրության վարումը.
4. Ընկերության աուդիտն իրականացնող անձի հետ կնքում է պայմանագիր.
5. Նախագահում է ժողովներում:

Խորհրդի նախագահն ընտրվում է Խորհրդի անդամների կողմից Խորհրդի անդամների կազմից, Խորհրդի անդամների ընդհանուր թվի ձայների մեծամասնությամբ:

Խորհուրդը կարող է ցանկացած ժամանակ վերընտրել նախագահին կամ ընտրել նոր նախագահ՝ Խորհրդի անդամների ընդհանուր քանակի ձայների 2/3-ով:

8.23. Մինչև 500 բաժնետեր (քվեարկող բաժնետոմսերի սեփականատեր) ունեցող Ընկերությունում Խորհրդի նախագահի և տնօրենի պաշտոնները կարող են համատեղվել:

Բացառությամբ սույն կետում նախատեսված դեպքերից, Խորհրդի նախագահը չի կարող Ընկերությունում այլ վճարովի պաշտոն զբաղեցնել:

8.24. Խորհրդի անդամների լիազորությունների ընդհանուր տևողությունը չի սահմանափակվում:

8.25. Ժողովի որոշմամբ Խորհրդի անդամներին կարող է սահմանվել պարզևավճար կամ փոխհատուցվել նրանց ծախսերը, որոնք կապված են Խորհրդի անդամի պարտականությունների կատարման հետ:

Պարզևավճարի կամ փոխհատուցման չափն ու պայմանները սահմանվում են ժողովի որոշմամբ:

8.26. Խորհրդի նիստերը՝

1. Խորհրդի նիստերը գումարվում են Խորհրդի նախագահի կողմից՝ իր նախաձեռնությամբ, Խորհրդի անդամի, Ընկերության վերստուգող հանձնաժողովի (վերստուգողի), Ընկերության աուդիտն իրականացնող անձի, Ընկերության միանձնյա գործադիր մարմնի, ինչպես նաև սույն կանոնադրությամբ սահմանված այլ անձանց պահանջով .

2. Խորհրդի նիստերի քվորումը չի կարող խորհրդի անդամների կեսից պակաս լինել.
3. Խորհրդի որոշումներն ընդունվում են նիստին ներկա խորհրդի անդամների ձայների մեծամասնությամբ, բացառությամբ Օրենքով և սույն կանոնադրությամբ նախատեսված դեպքերի.
4. Խորհուրդը կարող է հեռակա քվեարկությամբ (հարցման միջոցով) ընդունել որոշումներ:

8.27. Խորհրդի նախագահը ձայների հավասարության դեպքում ունի որոշիչ ձայնի իրավունք:

8.28. Խորհրդի անդամների թիվը ժողովի որոշված քանակի կեսից նվազելու դեպքում, Ընկերությունը գումարում է արտահերթ ժողով՝ Խորհրդի որոշմամբ, Խորհրդի կազմը լրացնելու նպատակով:

8.29. Խորհրդի նիստերն արձանագրվում են: Նիստի արձանագրությունը կազմվում է նիստի ավարտից 5-օրյա ժամկետում և արձանագրությունում նշվում են՝

- նիստի գումարման տարին, ամիսը, ամսաթիվը, ժամը և վայրը.
- նիստին ներկա անձինք.
- նիստի օրակարգը.
- քվեարկության դրված հարցերը և քվեարկության արդյունքները.
- նիստում ընդունված որոշումները:

Խորհրդի նիստի արձանագրությունը ստորագրվում է նիստին մասնակցող բոլոր անդամները, որոնք և պատասխանատվություն են կրում արձանագրությունում առկա տեղեկությունների հավաստիության համար:

8.30. Ընկերության ընթացիկ գործունեության ղեկավարումն իրականացնում է Տնօրենը՝

- լուծում է Ընկերության ընթացիկ գործունեության վերաբերվող բոլոր հարցերը, բացի սույն կանոնադրությամբ սահմանված ժողովի և Խորհրդի բացառիկ իրավասությանը վերաբերվող հարցերից,
- կազմակերպում է ժողովի և Խորհրդի որոշումների կատարումը, հաշվետու է նրանց և իրավունք չունի ինչպես ժողովի այնպես էլ Խորհրդի համար պարտադիր որոշումներ կայացնելու,
- գործում է բարեխղճորեն և ողջամիտ ի շահ իր կողմից ներկայացվող Ընկերության: Նա պարտավոր է Ընկերության բաժնետերերի պահանջով հատուցել իր կողմից Ընկերությանը, անձին պատճառած վնասները, եթե այլ բան նախատեսված չէ Օրենքով կամ պայմանագրով:

8.31. Խորհրդի նախագահը Տնօրենի հետ կնքում է աշխատանքային պայմանագիր: Խորհրդի նախագահի և Տնօրենի պաշտոնների համատեղման դեպքում, Տնօրենի հետ պայմանագիրը կնքում է Խորհրդի որոշմամբ՝ Խորհրդի անդամներից մեկը:

Տնօրենը սույն կանոնադրությամբ և Խորհրդի նախագահի հետ կնքված պայմանագրով իրեն վերապահած լիազորությունների սահմաններում՝

1. Տնօրինում է Ընկերության գույքը, այդ թվում ֆինանսական միջոցները, գործարքներ է կնքում Ընկերության անունից.
2. Ներկայացնում է Ընկերությունը Հայաստանի Հանրապետությունում և արտասահմանում.
3. Գործում է առանց լիազորագրի.
4. Տալիս է լիազորագրեր.
5. Սահմանված կարգով կնքում է պայմանագրեր, այդ թվում՝ աշխատանքային.

6. Բանկերում բացում է Ընկերության հաշվարկային (այդ թվում՝ արտարժութային) և այլ հաշիվներ.
7. Խորհրդի հաստատմանն է ներկայացնում Ընկերության աշխատանքային ներքին կանոնակարգը, առանձնացված ստորաբաժանումների կանոնակարգերը, Ընկերության վարչակազմակերպական կառուցվածքը, հաստիքացուցակը.
8. Իր իրավասության սահմաններում արձակում է հրամաններ, հրահանգներ, տալիս է կատարման համար պարտադիր ցուցումներ և վերահսկում դրանց կատարումը.
9. Սահմանված կարգով աշխատանքի է ընդունում և աշխատանքից ազատում Ընկերության աշխատակիցներին.
10. Աշխատակիցների նկատմամբ կիրառում է խրախուսման և կարգապահական պատասխանատվության միջոցներ:

8.32. Խորհրդի անդամները, Ընկերության Տնօրենը ու Օրենքով սահմանված այլ անձինք Ընկերության առջև պատասխանատվություն են կրում իրենց գործողությունների (անգործության) հետևանքով Ընկերությանը պատճառած վնասների համար Օրենքով սահմանված կարգով:

9. Ընկերության ֆինանսատնտեսական գործունեության վերահսկում

9.1. Ընկերության ֆինանսատնտեսական գործունեության վերահսկումն իրականացնելու համար ժողովն ընտրում է Ընկերության վերստուգող հանձնաժողով (վերստուգող):

Վերստուգող հանձնաժողովի (վերստուգողի) իրավասությունները և ստուգումների իրականացման կարգը սահմանվում են Օրենսդրությամբ, Օրենքով և սույն կանոնադրությամբ:

Վերստուգող հանձնաժողովը (վերստուգողը) հետևում է Ընկերության կառավարման մարմինների որոշումների կատարմանը, ստուգում է Ընկերության փաստաթղթերի համապատասխանությունն Օրենսդրությանը, այլ իրավական ակտերին և Ընկերության կանոնադրությանը:

Վերստուգող հանձնաժողովը (վերստուգողը) իրականացնում է Ընկերության ֆինանսատնտեսական գործունեության տարեկան արդյունքների ստուգումը, ստուգում է Ընկերության ֆինանսատնտեսական գործունեությունը՝ սեփական նախաձեռնությամբ՝ ցանկացած ժամանակ, ժողովի կամ Խորհրդի որոշմամբ, ինչպես նաև Ընկերության քվեարկող բաժնետոմսերի առնվազն 10 տոկոսի սեփականատեր բաժնետիրոջ (բաժնետերերի) պահանջով:

Վերստուգող հանձնաժողովը (վերստուգողը) իրավունք ունի պահանջել արտահերթ ժողովի գումարում՝ օրենքի պահանջներին համապատասխան:

Վերստուգող հանձնաժողովի (վերստուգողի) պահանջով նրան պետք է ներկայացվեն Ընկերության, նրա մասնաճյուղերի և ներկայացուցչությունների, հիմնարկների ֆինանսատնտեսական գործունեությանը վերաբերող բոլոր անհրաժեշտ փաստաթղթերը, նյութերը և բացատրությունները:

Վերստուգող հանձնաժողովի անդամները ընտրվում են բացառապես տարեկան ժողովներում: Վերստուգող հանձնաժողովի անդամների ընտրության հարցը արտահերթ ժողովում կարող է քննարկվել, եթե արտահերթ ժողովը որոշում է ընդունել Ընկերության վերստուգող հանձնաժողովի կամ նրա առանձին անդամների լիազորությունների վաղաժամկետ դադարեցման մասին:

Վերստուգող հանձնաժողովի անդամները ընտրվում են ժողովի կողմից 3 տարի ժամկետով:

Վերստուգող հանձնաժողովը (վերստուգողը) հաշվետու է ժողովին:

Վերստուգող հանձնաժողովի անդամների (վերստուգողի) վարձատրության և/կամ վճարվող փոխհատուցման չափերը և պայմանները սահմանվում են Ընկերության բաժնետերերի ընդհանուր ժողովի որոշմամբ: Վերստուգող հանձնաժողովի անդամ (վերստուգող) կարող են լինել Ընկերության կառավարման մարմիններում չընդգրկված ցանկացած ֆիզիկական անձ:

Ընկերության վերստուգող հանձնաժողովի քանակական կազմը սահմանվում է ժողովի որոշմամբ, բայց չի կարող 3 հոգուց պակաս լինել:

Վերստուգող հանձնաժողովի նախագահը ընտրվում է վերստուգող հանձնաժողովի անդամների կազմից՝ հանձնաժողովի անդամների ձայների պարզ մեծամասնությամբ:

Վերստուգող հանձնաժողովն (վերստուգողն) Ընկերության ֆինանսատնտեսական գործունեության ստուգումների արդյունքների հիման վրա պատրաստում է եզրակացություններ:

Վերստուգող հանձնաժողովը (վերստուգողը) Ընկերության գործունեության տարեկան հաշվետվությունների և հաշվեկշռի ստուգման վերաբերյալ եզրակացությունը ներկայացնում է տարեկան ժողովին: Ընկերության տարեկան հաշվեկշռի հաստատման ժամանակ վերստուգող հանձնաժողովի (վերստուգողի) եզրակացությունը պարտադիր է:

9.2. Ժողովի որոշմամբ վերստուգող հանձնաժողովի իրավասությունը կարող է դրվել վերստուգողի վրա:

Հիսունից ավելի բաժնետեր (քվեարկող բաժնետոմսերի սեփականատե) ունենալու դեպքում Ընկերության վերստուգող հանձնաժողովի անդամների (վերստուգողի) ընտրության կամ նրանց լիազորությունների վաղաժամկետ դադարեցման հարցերի քվեարկությանը չեն մասնակցում Խորհրդի անդամներին, ինչպես նաև տնօրենին (գլխավոր տնօրենին) պատկանող բաժնետոմսերը:

9.3. Ընկերության ֆինանսատնտեսական գործունեության ստուգման նպատակով Ընկերությունը կարող է ներգրավել աուդիտն իրականացնող անձի՝ աուդիտորի (կազմակերպություն կամ ֆիզիկական անձի), որը գույքային շահերով կապված չէ Ընկերության կամ նրա բաժնետերերի հետ:

Ընկերության գործունեության վերստուգումն այն բաժնետերերի պահանջով, որոնց հանրագումար բաժինը կազմում է տասը և ավելի տոկոս, պետք է անցկացվի ցանկացած ժամանակ: Այդ դեպքում աուդիտորի ծառայությունները վճարում են ստուգում պահանջող բաժնետերերը:

9.4. Սույն կանոնադրության 9.3. կետի 2-րդ պարբերությամբ սահմանված դեպքում, Ընկերության աուդիտն իրականացնող անձը ընտրում և նրա հետ պայմանագիր են կնքում ստուգում պահանջող բաժնետերը (բաժնետերերը):

10. Ընկերության առանձնացված ստորաբաժանումներ, հիմնարկներ, դուստր և կախյալ ընկերություններ

10.1. Ընկերությունը իրավունք ունի սույն կանոնադրության դրույթների, Օրենսգրքի, Օրենքի և այլ իրավական ակտերի համաձայն ստեղծել առանձնացված ստորաբաժանումներ՝ (մասնաճյուղեր և ներկայացուցչություններ) ինչպես Հայաստանի Հանրապետության տարածքում, այնպես էլ այլ պետությունների տարածքում:

10.2. Ընկերության կողմից օտարերկրյա պետություններում մասնաճյուղերի ստեղծումը և ներկայացուցչությունների բացումն իրականացվում է մասնաճյուղերի և

ներկայացուցչությունների գտնվելու վայրի երկրի օրենքներին և այլ իրավական ակտերին համապատասխան, եթե Հայաստանի Հանրապետության միջազգային պայմանագրերով այլ բան չի նախատեսված:

10.3. Կառավարչական, սոցիալ-մշակութային, կրթական կամ ոչ առևտրային բնույթի այլ գործունեություն իրականացնելու համար ընկերությունը կարող է ստեղծել հիմնարկ:

10.4. Ընկերության կողմից օտարերկրյա պետություններում հիմնարկների ստեղծումը իրականացվում է հիմնարկների գտնվելու վայրի երկրի օրենքներին և այլ իրավական ակտերին համապատասխան, եթե Հայաստանի Հանրապետության միջազգային պայմանագրերով այլ բան նախատեսված չէ:

10.5. Ընկերության առանձնացված ստորաբաժանումները և հիմնարկները իրավաբանական անձինք չեն և գործում են ընկերության կողմից հաստատված կանոնադրության հիման վրա, իսկ նրանց ղեկավարներին նշանակում է ընկերությունը:

10.6. Ընկերությունը կարող է լինել այլ ընկերության(այդ թվում՝ դուստր ու կախյալ) ու ընկերակցության հիմնադիր (մասնակից), բացառությամբ Օրենսգրքով, Օրենքով և այլ օրենքներով նախատեսված դեպքերի:

10.7. Ընկերությունն իրավունք ունի ունենալ իրավաբանական անձի կարգավիճակ ունեցող դուստր և կախյալ տնտեսական ընկերություններ:

10.8. Օտարերկրյա պետություններում դուստր կամ կախյալ ընկերությունների հիմնադրումը կամ մասնակցությունը կատարվում է դրանց գտնվելու վայրի երկրի օրենքներին և այլ իրավական ակտերին համապատասխան, եթե Հայաստանի Հանրապետության միջազգային պայմանագրով այլ բան նախատեսված չէ:

11. Ընկերության կանոնադրության մեջ փոփոխությունների և լրացումների կատարումը

11.1. Ընկերության կանոնադրության մեջ լրացումներ և փոփոխություններ կատարելը, ինչպես նաև կանոնադրությունը նոր խմբագրությամբ հաստատելը կատարվում է բաժնետերերի ընդհանուր ժողովի որոշմամբ, որն ընդունվում է դրան մասնակցած քվեարկող բաժնետոմսերի սեփականատերերի կամ անվանատերերի ձայների երեք քառորդով:

11.2. Մասնաճյուղեր և (կամ) ներկայացուցչության ստեղծման կամ գործունեության դադարեցման հետ կապված տեղեկությունները կարող են մտցվել Ընկերության կանոնադրության մեջ:

11.3. Ընկերության կանոնադրության մեջ փոփոխությունների և լրացումների կատարելը, ինչպես նաև նոր խմբագրությամբ հաստատված կանոնադրությունը երրորդ անձանց համար ուժի մեջ են մտնում դրանց պետական գրանցման պահից:

12. Ընկերության վերակազմակերպումը և լուծարումը

12.1. Ընկերության վերակազմակերպումը (միաձուլումը, միացումը, բաժանումը, առանձնացումը, վերակազմավորումը) կատարվում է ժողովի որոշմամբ:

Ընկերության վերակազմակերպման այլ հիմքերը, ինչպես նաև նրա վերակազմակերպման կարգը սահմանվում են Օրենսգրքով, Օրենքով և այլ օրենքներով:

Ընկերությունն իրավունք ունի վերակազմավորվել սահմանափակ պատասխանատվությամբ ընկերության և արտադրական կոոպերատիվի:

12.2.Ընկերությունը լուծարվում է Օրենսգրքով, Օրենքով և Օրենսդրությամբ սահմանված կարգով և սույն կանոնադրության դրույթների համաձայն:

12.2.1.Ընկերության լուծարումը՝ Ընկերության դադարումն է՝ առանց նրա իրավունքները և պարտականություններն իրավահաջորդության կարգով այլ անձանց անցնելու:

12.2.2.Ժողովը հաստատում է ամփոփիչ հաշվեկշիռը, ընդունում է որոշումներ՝ Ընկերության լուծարման կարգի և ժամկետների, ինչպես նաև պարտատերերի պահանջների բավարարումից հետո մնացած գույքի բաշխման կարգի մասին:

Ընկերության լուծարային հանձնաժողովը լուծարումն իրականացնում է ժողովում հաստատված ամփոփի հաշվեկշռի հիման վրա և լուծարման նախագծին համապատասխան:

Ընկերության լուծարման նախագիծն ընդգրկում է.

- Ընկերության ամփոփի հաշվեկշիռը.
- լուծարման կարգն ու ժամկետները.
- լուծարային հանձնաժողովի լիազորությունները.
- լուծարման ընթացքում Ընկերության գործունեության կարգը.
- այլ տեղեկություններ՝ ժողովի հայեցողությամբ:

12.2.3.Ընկերության լուծարման և լուծարային հանձնաժողովի ստեղծման մասին որոշումը կայացնում է ժողովը՝ դրան մասնակցող քվեարկող բաժնետոմսերի սեփականատերերի ձայների 3/4-ով, սակայն ոչ պակաս քվեարկող բաժնետոմսերի սեփականատերերի ձայների 2/3-ից:

12.2.4.Լուծարման հանձնաժողովի նշանակման պահից նրան են անցնում Ընկերության գործերի կառավարման լիազորությունները:

Լուծարվող Ընկերության անունից դատարանում հանդես է գալիս լուծարման հանձնաժողովը:

12.2.5.Լուծարման հանձնաժողովը պարտավոր է իրականացնել Ընկերության գույքի վերազնահատում, միջոցներ ձեռնարկել Ընկերության պարտատերերի հայտնաբերման, դեբիտորական պարտքերի ստացման ուղղությամբ, ինչպես նաև տեղեկացնում է պարտատերերին Ընկերության լուծարման մասին:

12.2.6.Լուծարվող Ընկերության գույքի օտարմանը կամ պարտքերի մարմանն ուղղված բոլոր գործողությունները կարող են իրականացվել միայն լուծարման հանձնաժողովի համաձայնությամբ:

12.2.7.Ընկերության լուծարման գործընթացում գտնվելու մասին տեղեկությունները (այդ թվում՝ լուծարման գործընթացի սկիզբը և ավարտը, լուծարման հանձնաժողովի կազմը) գրառվում են իրավաբանական անձանց պետական գրանցամատյանում՝ լուծարման հանձնաժողովի դիմումի հիման վրա:

12.3.Լուծարման հանձնաժողովի անդամները կարող են վարձատրվել ժողովի որոշմամբ սահմանված կարգով:

12.4.Լուծարման ընթացքում Ընկերությունն իրավունք ունի կնքել նոր գործարքներ և ստանձնել նոր պարտավորություններ՝ միայն Ընկերության պարտավորությունները կատարելու համար անհրաժեշտ ընթացիկ գործունեությունն ավարտելու անհրաժեշտության դեպքում:

12.5.Ընկերության լուծարումը համարվում է ավարտված, իսկ նրա գոյությունը դադարած, պետական գրանցման պահից:

կան

12.6.Լուծարման հանձնաժողովի ստեղծման պահի դրությամբ ընկերության տեղաբաշխված քվեարկող բաժնետոմսերի առնվազն 10%-ի սեփականատեր հանդիսացող բաժնետերերն իրավունք ունեն ընդգրկվել լուծարային հանձնաժողովի կազմում կամ նշանակել իրենց լիազոր ներկայացուցչին:

12.7.Պարտատերերի հանդեպ լուծարվող Ընկերության պարտավորությունները բավարարելուց հետո մնացած գույքը լուծարման հանձնաժողովը բաշխում է բաժնետերերի միջև՝ գործող Օրենսդրությամբ սահմանված կարգով:

—/
I.S

12.8.Եթե լուծարվող ընկերության գույքի արժեքն անբավարար է պարտատերերի պահանջները բավարարելու համար, ապա այն կարող է լուծարվել միայն սնանկության հետևանքով:

